

聖旨該衙門知道欽此欽遵抄出得部叅看得所奏前事誠有此弊議得合無本部出給榜文前去陝西行都司轉發甘肅西寧等處各城及平昔交易去處常川張掛曉諭并巡撫甘肅右副都御史朱英并鎮守提等官兵一體嚴加禁約今後遇有番夷到來本司逗交的當官員帶領人馬前去關防提督听于軍民人等兩平交易不許權豪勢要之家主使弟男与姪家人頭目軍伴人等私自前去挾勢将好馬奇貨包收逼令減價以賤易貴及將粗重物貨并損瘦頭畜拘收取覓頭民用錢方許買賣如有此等不遵禁約者輕則就听委官量加懲治重則指實姓名連人貨拏送巡撫巡按監察御史問罪充軍若有干碍取官員而不奉通同強買分利者具

奏拏問發落夷人買賣畢日就便催促出境具題奉

聖旨是欽此

鋪行人等各夷人交易不許賒買拖騙違者從重問擬仍於會同館前枷號示衆着委官人等知情作弊一体叅問各夷故違自賒賣与人日後告理不與追給例

成化十八年十二月二十日礼部尚書等題為処置夷人交易事主客清吏司案呈批會同館呈批各夷告稱於本年七月內蒙關領賞賜外被買賣人王昇梁安張安張榮四人將各段疋官緡銀兩石頭揭硃砂等項共該銀八百六十七兩七錢取去至今不還因此延任使中人难以回还告乞憐憫轉行便益等因具告得此合行

具呈乞為施行等因到司案查先於本年三月十五日該陝西行都司起送寄住苦峪哈密衛右都督罕慎差來使臣滿剌阿力克等三十二名進貢到京本部已經照常例於本年六月二十九日引奏給賞訖隨批會同館呈批伴送百戶鄭慶等告稱各夷要將欽賞絲段表裏絹疋貨賣食茶器皿等物又經題

准通行外後因各夷違例延住久不起程節次行令通事催償會同館查報去後今該前因查得犯人王昇等已行東廠拏送錦衣衛鎮撫司問追外案呈到部照得各處夷人進貢到京給賞之後火則半月多則不過一月之上即便起程其回回使臣比之各夷分外延至查得自成化十三年六月以來回回使臣五起到京共該一百一十四名數內一起馬丁等五十四名在京住

住九箇月之上一起約家等四名在京住六箇月之上一起撒丁等六十二名在京住一年之上一起亦兒米即等六十二名住十箇月之上方終陸續起程前去本部因見各夷到京數多延住月久訪知俱是鋪行人等多攪回回絹布等物故意躲閃誑騙已經議擬出榜禁約今後使臣賞賜之後止許丹住兩箇月行令通事催償回還其鋪行人等敢有似前誑騙者拏送法司問罪等因具題奉

聖旨是欽遵欽此續該回回使臣哈只兒等節次奏告鋪戶聚哄等語去段足銀兩硃砂等物又經節行法司追究外合滿剌阿力克等到京及已十箇月自給賞外又經半年之上節次行文催促一向不行起程回還原其所自皆由前項夷人本意要得在京延住又被會同館前積年



久住詐騙之人及無籍號稱光棍之徒串同本館夫婢人等將各夷帶來貨物及賞段疋等件一槩賒買多延虛價夷人既懷貪得之心又得遂其久住之計以此甘心听從及各處夷人財物上手有作本錢在家經營生利者有先欠欠人錢債那取还欠者有飲酒賭博花費無存者及至夷人取討百般推調一聞告官隨即聚家躲閃雖有前項禁約事例罔知遵守雖經歷司問斷不知畏懼以致回回使臣顧恐財物延宕不預先安置誠恐以後奸頑之徒愈加得志致使各夷日久延住不惟糜費供給抑且引惹事端未便除令通事省諭滿賴阿力克等待後追理王昇等所欠銀兩完日作急起程外合無今後回回使臣到京行令鴻臚寺差撥本寺通事一員兵馬司并會同館各委官一員先將姓名

聖旨是欽此

開報本部令各官於夷人貨賣之日督同本館夫婢及原來伴送專一在館監視許令鋪行人等堆貨入館與各夷兩平交易俱要見錢不許賒賣其染造布絹等項取具地方總小甲及兩隣人等執結果係實住行戶不係浮居方許交割染造嚴立限期在官務令依期送还敢有仍前賒賣及故意拖延脫騙致使夷人不得依期起身者拏送法司從重問擬仍於館前枷號示衆若是委官及夫婢人等知情作弊一体叅問如律各夷故違自賒與人日後告理不與追給仍令旗校人等密切閤防都察院出榜通行曉諭禁約如此庶使夷人不致淹番奸頑有所懲戒緣係處置夷人交易事理未敢擅便具題奉

禁約勢豪要截客商勒要地鋪錢

一件災異陳言事成化二十一年正月內該吏部等衙門太子太傅尚書等官尹 等題

准今後一應客商軍民貨物糧米等項車輛到京許其各從民便隨處投歇囤放倘有勢要豪橫小人占立勒要地鋪財物及邀截客商害奪民利者着落錦衣衛官校并巡城御史兵馬司即便拏送法司究問奏請重加懲戒

禁革官員和買貨物及令子姪買賣例

成化二十一年十二月二十六日札部等衙門題為建言民情等事

計開

一件浸漁害民事臣見得福建市鎮街居惟賴

鋪面買賣為活奈何有司不顧廉耻官員并兄弟子姪故令心復防天火甲甲求門子馬夫人等將各鋪官買本買一物差求之人乘機却買什物致使鋪戶不已含冤虧本而賣或將原銀抵換者或抵還物價者甚至將原銀充落入己者有賒賣推延不還者及有貧難鋪戶一時無貨可賣亦俱生事回復本獲官打則傷財物垂淚送其求入又過別鋪者一家買物動擾百家况各官亦有別親戚子姪原籍販米貨物却有倚恃官勢高擡價值散與鋪戶領賣或抵換本處土產物貨多取價利此等民害非為有玷各官名節抑且剝削下民膏脂如蒙乞